

Headline	JMFR anjuran TNB dapat tumpuan		
MediaTitle	Kosmo		
Date	04 May 2018	Language	Malay
Circulation	197,202	Readership	875,000
Section	Negara	Page No	16
ArticleSize	540 cm ²	Journalist	Oleh MUHAMMAD
PR Value	RM 42,203		



Salah satu contoh acara terbaik pengantarabangsaan negeri Perak

JMFR anjuran TNB dapat tumpuan

Oleh MUHAMMAD AYMAN GHAFFA

LUMUT — Penganjuran acara berbasikal Janamanjung Fellowship Ride (JMFR) 2018 yang dianjurkan oleh Tenaga Nasional Berhad (TNB) di Taman Awam, Teluk Batik baru-baru ini merupakan salah satu contoh acara terbaik untuk pengantarabangsaan negeri Perak dalam aspek pelancongan.

Menteri Besar Perak, Datuk Seri Dr. Zambry Abd. Kadir berkata, JMFR merupakan acara tahunan yang dianjurkan di daerah Manjung sejak 2008 dan ia telah memberi banyak manfaat kepada sektor pelancongan domestik di kawasan tersebut.

Menurutnya, melalui penganjuran JMFR, kerajaan negeri telah mengenal pasti beberapa bidang utama terutamanya sukan yang berupaya menjadi contoh untuk membangunkan sektor pelancongan di Perak.

"Selepas 11 kali acara ini dianjurkan, saya dapat melihat kepelbagaian program dan aktiviti yang dianjurkan secara tahunan di daerah ini yang merupakan pusat pelancongan utama untuk pelancong domestik ke negeri ini.

"Dengan penganjuran JMFR, kerajaan negeri sedang dalam perancangan untuk menaik taraf dari aspek kemudahan yang lain di sekitar Teluk Batik.

"Ia merupakan satu langkah untuk memastikan kelancaran penganjuran JMFR yang akan dianjurkan lagi pada tahun-tahun akan datang," katanya selepas merasmikan JMFR 2018.

Turut hadir Ketua Pegawai Korporat TNB, Datuk Wira Roslan Ab. Rahman, Naib Presiden (Penajaan) TNB, Datuk Zainudin Ibrahim dan Pengarah Urusan TNB Janamanjung, Datuk Shamsul Ahmad.

JMFR 2018 dianjurkan oleh TNB bersama anak syarikat milik penuhnya, TNB Janamanjung Sdn. Bhd.



ZAMBRY (dua dari kiri) melakukan flag off dalam perlumbaan berbasikal JMFR 2018 anjuran TNB di Taman Awam, Teluk Batik, Perak baru-baru ini.

Seramai 1,300 peserta daripada pelbagai lapisan masyarakat dan peringkat usia menyertai JMFR 2018 yang turut menarik minat peserta dari luar negara seperti Indonesia, Singapura dan Brunei.

Para peserta mengayuh basikal sejauh 147 kilometer secara santai merentasi beberapa kawasan, antaranya Stesen Janakusa Sultan Azlan Shah, sekitar Seri Manjung, Pasir Salak dan Ayer Tawar.

Lebih 60 gerai pameran disediakan kepada orang ramai sepanjang dua hari penganjuran JMFR 2018. Antaranya gerai promosi Aplikasi MyTNB, Jelajah Pasukan Hoki TNB Thunderbolts selain produk-produk tempatan termasuk kraftangan serta makanan laut.

Sementara itu, Roslan berkata, JMFR 2018 merupakan sebahagian daripada acara korporat tahunan dalam kalendar syarikat berkaitan kerajaan (GLC) tersebut.

Beliau memberitahu, selain daripada penglibatan peserta, JMFR merupakan salah satu langkah TNB untuk membantu industri pelancongan di sekitar Manjung sekali gus membantu usahawan tempatan memperoleh manfaat daripada acara tersebut.

"Kita sedaya upaya melakukan penambah baikan acara ini setiap tahun ia dianjurkan. Sebagai sebuah GLC, TNB akan terus melakukan acara korporat dalam bentuk santai ini dalam skala yang lebih besar setiap tahun," katanya.

Apa kata peserta

"Saya telah membuat persediaan selama tiga minggu sebelum menyertai JMFR 2018. Trek perlumbaan agak landai tetapi ada sedikit pendakian pada awal dan akhir kayuhan.



PROF DR. MARIYAM JAMEELAH GHAZALI, 43



"Saya tidak menafikan acara ini memerlukan stamina yang tinggi. Meskipun laluan trek yang rata dan landai, ia bukanlah tugas mudah sebelum melintasi garisan penamat.

HANIF HAMZAH, 33

"Teluk Batik merupakan satu lokasi yang menarik dan acara ini menjadi salah satu pelengkap latihan sebelum saya menyertai Kejohanan Half Ironman hujung tahun nanti.



KATHY KEISER, 45